

顯宗論

才古四

四百七
自四

50789



阿毗達磨藏顯宗論卷第二十四

自

尊者眾賢造 三藏法師 玄奘奉 詔譯 善

辯業品第五之七

如上所言任定菩薩為從何位得任定名彼復於何說名為定頌曰

從修妙相業 菩薩得定名 生善趣貴家

具男念堅故

論曰從修能感妙三十二大士夫相異孰果

業菩薩方得立任定名以從此時乃至成

常生善趣及貴家等生善趣者謂生人天由

此趣中多行善故妙可稱故立善趣名於善

趣內常生貴家謂婆羅門或刹帝利巨富長



者大婆羅門家於貴家中根有具缺然彼菩
薩恒具勝根恒受男身尚不為女何況有受
扇搆等身生生常能憶念宿命所作善事常
無退屈謂於利樂一切有情一切時中一切
方便心無厭倦名無退屈由無退屈故說為
堅豈不未修妙相業位菩提不退應立任
決定名何故要修妙相業位菩薩方幾在
名今時人天方共知故先時但為諸天所知
或於今時趣等覺定先惟等覺決定非餘阿
相應知修妙相業頌曰

瞻部男對佛 佛思思所成 餘百劫方修
各百福嚴飾

具足功德

論曰菩薩要在瞻部洲中方能造修微妙相
業此洲覺慧最明利故惟是男子非女等身
介時已超女等位故此不應說於前頌中恒
受男身義已顯故造此業時惟現對佛謂親
見佛不共色身相好端嚴種種奇特願欲引
起感此類思不對如來無容起故此妙相業

惟緣佛思佛是可欣順德境故感妙相業難
思所成非修所成不定界故所感異孰孰此所
繫故非聞所成彼羸劣故亦非生得加行起
故謂彼惟於三無數劫修行施等波羅蜜多
圓滿身中方可得故惟是加行非生得善惟
餘百劫造修非多一一妙相百福莊嚴此中

百思名爲百福謂將造一一妙相業時先起
五十思淨治身器其次方起引一相業於後
復起五十善思莊嚴引業令得圓滿五十思
者依十業道一一業道各起五思且依最初
離殺業道有五思者一離殺思二勸導思三
讚美思四隨喜思五迴向思謂迴所修向解
脫故乃至邪見名五亦然有餘師言依十業
道各起下等五品善思前後各然如熏淨慮
有餘師說依十業道各起五思一加行淨慮
根本淨三後起淨四非尋害五念攝受復有
師言一一相業各爲緣佛未曾習思具百現
前而爲嚴飾百福一一其量云何有說以依

三無數劫增長功德所集成身發起如斯無
對無數殊勝福德量惟佛知有說若由業增
上力感輪王位王四大洲自在而得是一福
量有說若由業增上力得為帝釋王二欲天
自在而轉是一福量有說惟除近佛菩薩所
餘一切有情所修富樂果業是一福量有餘
師言此量太少應言世界將欲成時一切
情感大千土業增上力是一福量今薄伽梵
答菩薩時三無數劫中各供養幾佛頌曰
於三無數劫各供養七萬又如次供養
五六七千佛

論曰初無數劫中供養七萬五千佛次無數

劫中供養七萬六千佛後無數劫中供養七
萬七千佛三無數劫於一滿時及初發心各
逢何佛頌曰

吾末

三無數劫滿

逆次逢勝觀

然燈寶髻佛

初釋迦牟尼

實說

論曰言逆次者自後向前謂於第三無數劫
滿所逢事佛名爲勝觀第二劫滿所逢事佛
名曰然燈第一劫滿所逢事佛名爲寶髻初
無數劫首逢釋迦牟尼謂我世尊初發心值
逢一薄伽梵号釋迦牟尼彼佛出時正居末
劫滅後正法惟住千年時我世尊爲陶師子
於彼佛所起殷淨心塗以香油浴以香末設

供養已發弘誓願願我當作佛一如今世尊
故今如來一一同彼我釋迦菩薩於何位中
何波羅蜜多修習圓滿頌曰

但由悲普施

被折身無忿

讚歎底沙佛

次無上菩提

六波羅蜜多

於如是四佛

一二又一二

如次修圓滿

一一心念

論曰菩薩發願初修施時未能徧於一切含
識施一切物惟運悲心彼於後時慣習如故
悲心轉盛能徧施與一切有情非一切物若
時菩薩普於一切能施一切但由悲心非自
希求勝生差別齊此布施波羅蜜多修習圓
滿若時菩薩被折身支雖未離欲貪而心無

少忿齊此戒忍波羅蜜多修習圓滿若時菩
薩勇猛精進以一伽他經七晝夜讚底沙佛
便超九劫齊此精進波羅蜜多修習圓滿若
時菩薩處金剛座將登無上正等菩提法華
上覺前住金剛喻定齊此定慧波羅蜜多修
習圓滿理應此位無間方圓得盡智時則齊
滿故別別能到圓德彼岸故此六名波羅蜜
多契經說有三福業事一施類福業事二戒
類福業事三修類福業事此云何立福業事
名頌曰
施戒修三類 各隨其所應 受福業事名
差別如業道

目薩若

論曰三類皆福或業或事隨其所應如業道
說謂如分別十業道中有業亦道有道非業
此中有福亦業亦事有福業非事有福事非
業有惟是福非業非事且施類中身語四業
具福業事三種義名業故是福作故亦業是
能等起身語業思轉所依門故亦各無彼等
起思惟名福業思俱有法惟受福名戒類既
惟身語業性故皆具受福業事名修類業慈
惟名福事業之事故慈相應思以慈為門而
造作故慈俱思戒惟名福業餘俱有法惟受
福名悲等准此皆應思擇有說福業顯作福
義謂福加行事顯所依謂施戒修是福業之

事為成彼三起福加行故有說惟思是真福業福業之事謂施戒修以三為門福業轉故何法名施施招何果頌曰

由此捨名施

謂為供為益

身語及齋

此招大富果

量名起

論曰雖所捨物及能捨具皆可名施而於此中所立施名但依捨具謂由此具捨事得成故捨所思是真施體如所度境不得量名所立量名依能度具或為角勝貯藏稱譽博習隨他親愛親附由如是等捨事亦成然非此中正意所說為簡彼故說為供為益言於已涅槃惟為供養於餘亦為益彼大種諸根有

行施時但為益彼具名何謂身語業及此能
發能發謂何謂無貪俱能起此聚即身語業
及能起心并此俱行揔名施體如有頌言

若人以淨心

輟已而行施

此刹那善蘊

揔立以施名

善姑為

應知如是施類福業事迴向解脫亦得離繫
果而且就近決定為言但說能招大財寶果
依何立此大財富名以財妙廣不可奪故為
何所益而行施耶頌曰

廣善盛

為益自他俱

不為二行施

善言

論曰施主施時觀於二益一為自益感果善
根二為益他諸根大種施主有二一有煩惱

二無煩惱有煩惱者復有二種一未離欲貪
二已離欲貪於此二中各有二種一諸聖者
二諸異生此中未離欲貪聖者及已未離欲
貪異生奉施制多惟爲自益謂自增長此種
善根一者能招大富爲果二者爲得上義資
糧諸有已離欲貪聖者奉施制多除順現受
不招大富由彼已能畢竟超彼異熟地故而
容爲得上義資糧是故亦名惟爲自益非此
能益他根大種故不益他無煩惱者施他亦
情惟爲益他謂能益他諸根大種非自增長
二種善根除順現受有煩惱者施他有情爲二
俱益無煩惱者奉施制多除順現受不爲二益

前已揔明施招大富今次當辯施果別因頌曰
由主財田異 故施果差別

論曰施有差別由三種因謂主財田有差別
故施差別故果有差別言主財田有差別者
謂如是類施主財田勝劣與餘主財田異且
由施主有差別者頌曰

主異由信等 行敬重等施

得尊重廣愛

應時難奪果

田異且

論曰或有施主於因果中得決定信或有施
主於因果中心懷猶豫或有施主率尔隨欲
或有施主具淨尸羅或少虧違或全無戒或
有施主於佛教法具足多聞或有少聞或無

聞等而行惠施由施主具信戒聞等差別功德故名主異由主異故施成差別由施差別得果有異諸有施主具如是德能如法行敬重等四施如次便得尊重等四果謂若施主行敬重施便感常為他所敬重若自手施便能感得於廣大財愛樂受用若應時施應感時財所須應時非餘時故若無損他施便感資財不為王火等之所侵壞由所施財有差別者頌曰

財異由色等

得妙色好名

衆愛柔軟身

有隨時樂觸

論曰由所施財或闕或具色香味觸如次便

得或闕或具妙色等果謂所施財色具足故
便感妙色香具足故便感好名如香芬馥穠
諸方故味具足故便感衆愛如味美妙衆所
愛故觸具足故感柔軟身及有隨時生樂受
觸若有所闕隨應果減如是亦由具色香等
故名財異由財異故施體及果皆有差別由
所施田有差別者頌曰
田異由趣苦 恩德有差別

論曰由所施田趣苦恩德各有差別故名田
異由田異故施果有殊由趣別者如世尊說
若施傍生受百倍果施犯戒人受千倍果由
苦別者如七有依福業事中先說應施客行

病侍園林常食及寒風等隨時食藥復說若
有具足淨信男子女人成此所說七種有依
福業事者所獲福德不可取量今於此中由
緣差別故苦有異由除受者差別苦故果有
差別由恩別者如父母師及餘有恩如熊鹿
等本生經說諸有恩類於有恩所起諸惡業
果現可知由此比知行報恩善其果必寔由
德別者如契經言施持戒人果百千倍勝望
施佛果最無量雖皆無量亦有少多如瓊伽
河大海水滴如望財施法施為尊就財施中
何為最勝頌曰

脫於脫菩薩 第八施最勝

論曰若已解脫者施已解脫由於財施中此
最爲勝若諸菩薩以勝意樂等欲利樂一切
有情爲大菩提而行惠施雖非解脫施解脫
田而施福中此最爲勝除此更有八種施中
第八施福亦最爲勝八施者何一隨至施思
怖畏施三報恩施四求報施五習先施六希
天施七要名施八爲莊嚴心爲資助心爲資
瑜伽爲得上義而行惠施如世尊說施聖果
無量頗施非聖果亦無量耶頌曰
父母病法師 最後生菩薩 設非證聖者
施果亦無量

論曰如是五種設是異生施者亦能招無量

果住最後有名最後生法師四田中是恩田
所攝一切能感無量果業上下品類皆平等
耶不尔云何由六因故令一切業成輕重異
其六者何頌曰

後起田根本

加行思意樂

由此下重上輕

業成下上品

如前所說

論曰後起謂作此業已或頓或數隨前而作
田謂於後造善造惡根本謂根本業道加行
謂引彼身語思謂由彼業道究竟意樂謂所
有意趣我應當造如是如是若有六因皆是
上品此業最重翻此最輕除此中間非最輕
重如契經言審思作業名為造作亦名增長

何因說業名增長耶由五種因何等為五頌曰
由審思圓滿 無惡作對治 有伴異熟故
此業名增長

論曰由審思故者謂審思而作非率尔思雜
亦非全不思由圓滿故者謂齊此量業應墮
惡趣此業圓滿名為增長餘惟造伴由無惡
作對治故者謂無追悔無對治業由有伴故
者謂作不善業不善為助伴由異熟故者謂
時設不定定與異熟善上相違異此應知惟
名造作如上所說未離欲等奉施制多惟為
自益既無受用者施福如何成頌曰
制多捨類福 如慈等無受

論曰非我惟許所捨財物受者受用施福助
成所許者何謂諸施福略有二類一捨二受
捨類福者謂由善心但捨資財施福便起受
類福者謂所施田受用施物施福方起於制
多所奉施供具雖無受類有捨類福然捨類
福初捨資財此福即成對治貪故無貪俱思
所等起故捨資財已隨所施田受用或不受
用物福無失若不介者有施僧伽或別鉢等
諸資生具或彼未用物便壞失如是施物
應唐捐施福不生無當果故彼既未用福由
何生用福雖無而有受福制多無受福由何
生復何因證知福生要由受不受於彼無攝

益故此非定證所以者何如修慈等福亦足
故謂修慈定於諸有情平等發起與樂意果
雖無受者亦無攝益而勝解力有多福生修
悲等定得福亦尔施制多福類亦應然於有
德田追生勝解起極尊敬奉施制多雖無受
者亦無攝益由自心力有多福生然不唐補
起施敬業要因起業方起勝思勝思方能生勝
福故有設難言於善田所植施業種既變樂生
植在惡田果應非愛此難非理所以者何頌曰
惡田有愛果 果種無倒故
論曰現見田中種果無倒從未度迦種苦果
終不生賃婆種中不生甘果非由田力種果

有倒然由田過令所植種或生果少或果全
無如是雖於惡田植施而由施主利樂他心
惟愛果生不招非愛已辯施類戒類當辯頌無
離犯戒及遮 名戒各有二 非犯戒因壞
依治滅淨等

古音韻

論曰言犯戒者謂諸不善色即從殺盜等
雜穢語此中性罪立犯戒名遮謂佛所遮
非時食等雖非性罪而佛為護正法有情戒
意遮止受戒者犯亦名犯戒簡性罪故個舉
遮名離性及遮俱說名戒此各有二謂表無
表以身語業為自性故戒具四德得清淨名
隨有所滅不名清淨言四德者一者不為犯

戒所壞言犯戒者謂審思犯二者不為彼因
所壞彼因謂貪等煩惱隨煩惱三者依治謂
依念住等此能對治犯戒及因故四者依滅
謂依涅槃迴向涅槃非有財故等言為顯復
有異說有說戒淨由五種因一根本淨二眷
屬淨三非尋害四念攝受五迴向寂已禁戒

類修類當辯頌曰

等引善名修 極能熏心故

本經二卷

論曰等引善者謂於定中等持自性及彼俱
有即此名修極熏心故修是熏義如華熏麻
謂諸定善於心相續極能熏習令成德類非
不定善故獨名修前辯施福能招大富戒修

二類所感云何頌曰

戒修勝如次 感生天解脫

論曰戒感生天修感解脫勝言為顯就勝為
言謂施亦能感生天果就勝說戒持戒亦能
感離繫果就勝說修如是持戒亦感大富就
勝說施准例應知經說四人能生梵福
供養如來馱都建窣堵波於未曾處
養四方僧伽造寺施園四事供給三佛
破已能和四於有情普修慈等如是梵福
量云何頌曰

感劫生天等 為一梵福量

論曰有餘師說隨福能感一劫生天受諸快

胡為

樂齊此名曰一梵福量由彼所感受快樂時
同梵輔天一劫壽故以於餘部有伽他曰
有信正見人 修十勝行者 便為生梵福
感劫天樂故

已離欲者修四無量生上界天受劫壽樂慈
未離欲建窠堵波造寺和僧能勤修習慈
加行彼亦如修無量根本感劫天樂有餘師
說此如所辯妙相業中所說福量契經說施
略有二種一者財施二者法施財施已辯法
施云何頌曰

法施謂如實 無染辯經等

論曰若能如實為諸有情以無染心辯契經

等令生正解名為法施說如實言顯法施並
於契經等解無顛倒說無染言顯法施並
希利養恭敬名譽不介便為自他俱損契經
等者等餘十一即顯契經乃至論議言契經
者謂能揔攝容納隨順世俗勝義堅實顯
如是契經是佛所說或佛弟子佛許故
應頌者謂以勝妙緝句言詞隨述讚
所說有說亦是不了義經言記別者謂隨餘
問酬答辯析如波羅衍拏等中辯或諸
辯曾當現真實義言皆名記別有說是佛
了義經言諷誦者謂以勝妙緝句言詞
順前而為讚詠或二三四五六句等言
自說

者謂不因請世尊欲令正法久住覩希奇事
悅意自說妙辯等流如說此那伽由彼那伽
等言緣起者謂說一切起說所由多是調伏
相應論道彼由緣起之所顯故言譬喻審為
今曉悟所說義宗廣引多門比例開示如處
喻等契經所說有說此是除諸菩薩說餘奢
行能有所證示所化言言本事者謂說自答
展轉傳來不顯說人談所說事言本生者謂
說菩薩本所行行或依過去事起諸言論
由過去事言論究竟是名本事如曼駝經
若依現在事起諸言論要由過去事言論
究竟是名本生如邏刹私經言方廣者謂以連

理廣辯諸法以一切法性相衆多非廣言調
不能辯故亦名廣破由此廣言能破極堅無
智闇故或名無比由此廣言理趣幽博餘無
比故有說此廣辯大菩提資糧言希法者謂
於此中惟說希奇出世間法由此能正顯
乘希有故有餘師說辯三寶言世所罕聞
名希法言論議者謂於上說諸分義中每例
顯示釋難決擇有說於經所說深義已見真
者或餘智人隨理辯釋亦名論議即此名爲
摩怛理迦釋餘經義時此爲本母故又名爲
阿毗達磨以能現對諸法相故無倒顯示諸
法相故如是所說十二分教略說應知三藏

所攝言三藏者一素怛纜藏二毗奈耶藏三
阿毗達磨藏如是三藏差別云何未種善根
未欣勝義令種欣故爲說契經已種已欣令
熟相續作所作故爲說調伏已熟已作令悟
解脫正方便故爲說對法或以廣略清妙或
詞綴緝雜染及清淨法令易解了名爲契經
宣說修行尸羅軌則淨命方便名爲調伏善
能顯示諸契經中深義趣言名爲對法或依
增上心或慧學所興論道如其次第名爲契
經調伏對法或素怛纜藏是力等流以諸經
中所說義理畢竟無有能屈伏故毗奈耶藏
是大悲等流辯說尸羅濟惡趣故阿毗達磨

截是無畏等流真法中能善安立問答波
擇無所畏故如是等類三截不同毗婆沙
已廣分別前已別釋三福業事今釋經所順
三分善頌曰

順福順解脫

順決擇分三

感受果濕繫

聖道善如次

中受果繫

論曰順福分善謂感世間人天等中受果種
子由此力故能感世間高族大宗大富妙器
輪王帝釋魔王梵王如是等類諸可愛果順
解脫分善謂安立解脫善阿世耶今無傾動
由此決定當般涅槃辯此善根自性地等應
知如辯賢聖處說順決擇分善謂煖等四此

亦如後辯賢聖處說如世間所說書印筭末
數此五自體云何應知頌曰

忠相

諸如理所起 三業并能發 如次為書印

筭文數自體

入筭文

論曰如理起者正方便生三業應知即身語
意能發即是能起此三如其所應發想筭法
此中書印以前身業及彼能發五蘊為體非
諸字像即名為書所雕印文即名為印然指
業造字像印文應知名為此中書印次筭及
文以前語業及彼能發五蘊為體後數應知
以前意業及彼能發四蘊為體但由意思能
數法故應辯聖教諸法相中少分異名令不

迷謬頌曰

善無漏名妙

染有罪覆劣

善有為應習

解脫名無上

五常法

論曰善無漏法亦名為妙勝無記染有漏法
故諸染汙法亦名有罪是諸智者所訶厭故
亦名有覆以能覆障解脫道故亦名為劣極
鄙穢故應棄捨故准此妙劣餘中已成故頌
不辯即有漏善無覆無記揔名為中諸有為
善亦名應習餘非應習義准已成解脫涅槃
亦名無上以無一法能勝涅槃是善是常超
眾法故涅槃是善極安隱故餘法有上義誰
已成即一切有為虛空非擇滅不具前說善

常相故

阿毗達磨藏顯宗論卷第二十四

自米

王四也上于况反盛析身上先擊反分輟也

劣反止己之利迴及芬馥香氣盛貞一能

於人謂之利迴及芬馥香氣盛貞一能

獸上音雄也苑伽河別去恒河瑜伽朱唐捐音

虛棄也植殖反種也賃婆禁反駢鄰上唐

此即如來體骨絹緝續也二衍拏下

合利之異名也唐賀反邏刹斯羅刹

名也子曼馱下唐賀反邏刹斯羅刹

恒下丁素恒纜下郎淡反綴緝上竹歲

謬下苗幼也鄙穢反惡也經綴緝下同前

反錯也鄙穢反惡也經綴緝下同前

